

长白诗丛
主编 / 秋枫

林谷吟

吴烨南 著

吉林文史出版社

林谷吟

吴烨南 著

秦皇岛市邮政局宣2002年

吉林文史出版社

二〇〇三年七月

(吉)新登字 07 号

长 白 诗 丛

林 谷 吟

吴烨南 著

责任编辑:吴燕 杨延梅

封面设计:赵林英

吉林文史出版社出版

850×1168 毫米 32 开本 4 印张 100 千字

(长春市人民大街 124 号) 2003 年 8 月 1 日第 1 版 2003 年 8 月 1 日第 1 次印刷

北京新源印刷厂印刷

印数:1—1000 册

定价:12.00 元

吉林文史出版社发行

ISBN 7-80626-449-3/G·195



作者简介

吴焯南，1925年生，河北保定市人。曾任辽宁煤矿师院中文系代理主任，秦皇岛广播电视大学校刊主编，享受国务院政府特殊津贴专家。原河北省政协委员、秦皇岛市人大常委会。中华诗词学会会员、河北省诗词协会常务理事。诗词作品曾获“李杜杯”、“回归颂”、“月是故乡明”等全国诗词大赛奖，河北省1~3届国风奖。出版有《山海吟》等个人诗集，主编有《碣石吟》等多部诗集。作品发表于新加坡、日本以及国内各大诗词报刊。

前 言

我生于长春，故原名震春。母林姓，故一度化名林谷。1945年改名丰予，后又化为现名。因林谷是抗战时的用名，所以情有独钟。

今年是先母百年生诞，《林谷吟》恰又在长春出版问世。从征抗日，今年整60年；离休也恰10年。转眼将步入耄耋。这么多的巧合，使本书的出版具有多重纪念意义。

我初中受张效直先生的文学启发，后承华尹安、叶苍岑、李光壁教授的诗教，爱上了诗词。但真正执笔，还是在1979年后。20多年来，作品陆续发表于国内外报刊，在一些全国性诗词大赛中，亦曾入围或获奖。出版过个人诗词集，主编过多部诗词集。

我本没有写诗的天分，仅凭爱好和辛勤耕耘，才步入诗门。我的诗作虽平平，但皆萌生于情，取材于现实生活。语不惊人，但求读者看懂。诗风崇尚自然、平易，但求健康、向上。本书不过是20多年来诗作的集结，故未求名人为之序。

长白山诗社秋枫主编慷慨相助，书法家王佑芬为本书题字，郝庆真老先生为之校阅，王金来、王美娟等诸多好友大力支持。谨致谢意。

吴焯南

2003.6.25 于益寿园

目 录

前言	(1)
目录	(2)
五言律诗 164 首	(1—33)
五言绝句 41 首	(34—39)
七言律诗 55 首	(40—50)
七言绝句 146 首	(51—71)
词 186 首	(72—107)
自度散曲 3 首	(108—110)
楹联 51 副	(111—119)
诗论 1 篇	
云天浮想 沧海神游	
——读纳兰性德《浪淘沙·望海》	
.....	(120—125)

神州颂

南天擎一柱，北国夜生光。
大漠通丝路，新潮引客商。
弦歌奏金曲，泼墨绘仙乡。
花雨春风度，卿云百鸟翔。

北京申奥成功

举国荧屏待，佳音果北京。
欢声平地起，爆竹太空鸣。
舞醉中天月，歌酣不夜城。
国昌操胜券，奇迹共潮生。

黄河

水自云天落，涛惊峡谷吞。
急奔回九曲，长啸破三门。
砥柱中流志，摇篮古国魂。
千年勤哺乳，万里振乾坤。

长江

浩浩江心水，滔滔万古流。
夔门诗永注，赤壁战长休。
天府通吴会，朝云断葛洲。
前波东逝去，后浪继千秋。

纪念岳飞诞辰 900 年

长车直驱入，吹角动连营。
慷慨悲歌起，巍巍浩气生。
高风昭日月，逸韵贯沧溟。
不见卢沟水，洪流壮汗青。

网师园

月到松风早，阳斜竹影宜。
琴鸣濯缨阁，莲睡彩霞池。
丛桂庭轩小，疏篱芍药奇。
网师招客饮，同醉暗香枝。

游江南七大水镇

三桥贯同里，一弄纵西塘。
子夜眠乌镇，清晨入米行。
盘桓锦溪岸，漫步小莲庄。
为识江南趣，游踪遍水乡。

南行拂晓过泰山忆友

车行临岱岳，正值晓岚升。
每至匆匆过，今经默默应。
天门云正隐，极顶日方腾。
望眼迷蒙处，依稀有故朋。

北归午夜车过泰山

夜幕云崖暗，寒光岱顶多。
天街近霄汉，云瀑接星河。
阴翳雄如故，车行疾如梭。
何时重造访？风骨效巍峨。

南行夜过济南

齐鲁情难了，相思六十年。
明湖莲醉早，高阁月迷先。
邻女歌泉畔，良朋话院前。
济南多旧事，弹指一挥间。

车过苏北鲁南

行行跨苏鲁，眷眷望沂蒙。
昔走阿湖北，曾征沭水东。
夜吟书愤句，日唱满江红。
少小丹心壮，白头词笔雄。

鼓浪屿

鼓浪开仙屿，行云傍洞天。
长桥藏海外，怪石断崖悬。
悦耳钢琴曲，倾心旭日岩。
山亭时小憩，皓月自当先。

周庄

波弄双桥影，河临两岸坊。
橹摇穿水巷，舟傍及庭堂。
诗结迷楼集，台歌杜丽娘。
吴娃棹讴过，一曲动沧浪。

南戴河中华荷园主办荷花节

海市又沧桑，沙丘现水乡。
新荷露尖角，并蒂出横塘。
十里连天碧，一池流韵长。
游鱼戏莲叶，天马纵飞翔。

朱楼启画廊，市肆酒旗扬。
桥跨垂杨岸，林开度假庄。
荷清因藕洁，香远自莲芳。
翠盖迎佳节，薰风送早凉。

春节电话热线

佳节铃频响，温馨示友声。
长途京鄂粤，次第老中轻。
春信连芳草，天涯叙故情。
殷勤话年夜，四海纵嚶鸣。

《碣石吟》出版

风雅越千年，新刊三百篇。
关河入时咏，山海放歌传。
情发苍龙首，诗吟碣石间。
涛声联四海，新韵出幽燕。

贺“亭台与城堡”新邮发行

古堡依多瑯，丛台自武灵。
风光入方寸，微妙胜丹青。
鸿雁名城系，彩云佳日生。
太行融画意，潞水纵邮情。

月何故乡明

少时烽火起，日寇惨屠城。
志在山河复，毅成风雨行。
月凄沙场暗，梦喜故乡明。
何故清光异，并兼家国情。

游谐趣园

情痴小园趣，独步几徘徊。
萝月清流漱，松风曲榭开。
琴音出幽谷，莲叶上亭台。
竹径丛阴处，寻诗今又来。

慈母百年诞辰

萱花哀早落，少小失阳春。
幼伴孤灯影，今成白发人。
慈颜频入梦，寸草倍思亲。
血泪凝衾枕，杜鹃同到晨。

蛇年回顾

新咏纵狮城，关门史论横。
茶当岭南绿，月自故乡明。
展室生风采，邮窗播远声。
签名飞走笔，秋实任人评。

为邮迷签名

走笔川流急，行云任自移。
才留雪泥影，又续鬓霜丝。
稚子情难却，邮迷趣所之。
日中肠辘辘，未忍固相辞。

春衫

乍暖谁先觉？女郎花信知。
轻裙称心短，长袖化神奇。
绒羽消臃处，青春入胜时。
衣单呈倩影，窈窕展天姿。

名导郭颖捧鲜花来贺收藏展

展室清风入，花香扑面来。
温馨一团掬，淡雅几枝开。
佳客缘名导，新交本絮才。
贻芳长不歇，余韵久低回。

奥运金牌颂

金牌光灿灿，血汗铸浇成。
点水空翻捷，移山力拔轻。
花开明柳暗，石破震天惊。
霜锋磨砺出，长剑傲神京。

贵妃东渡

蛾眉生死未？飘渺有无中。
马嵬遗罗袜，扶桑现玉容。
梨花春带雨，仙袂晚依风。
别恨长生殿，传奇大海东。

门券在电大、燕大、东大展出

时代风云史，峡江华夏魂。
细微观岱岳，方寸现昆仑。
古堞依山岭，小桥横水村。
良辰方启幕，佳客喜临门。

谁家夜归人

筋疲步无力，困眼半朦胧。
入室将残夜，临床已晓钟。
香脂沾酒气，秀履志萍踪。
夜夜青春逝，花期有几重？

听三弦独奏

三弦擎妙手，一抚座中惊。
指动挥风过，声回纵马鸣。
草原平野阔，毡帐片云横。
曲罢留余韵，琴音绕耳生。

武夷山

长啸清溪外，人临画境游。
谁持彩云笔，漫染碧峰秋。
点点灵槎渺，婷婷玉女幽。
仙乡何处是？好景武夷收。

黄陵

森森陵上柏，郁郁蔚祥烟。
根扎神州土，干擎华夏天。
常青垂宇宙，广荫覆山川。
海外乡心寄，思归企梦圆。

迁新居

昨别燕庐舍，今依鹤寿园。
窗含远山岭，门对碧池澜。
车水长街涌，霓虹大厦翻。
动中欣有静，喜隔噪声喧。

关城雅聚

古城欣雅聚，月色正中天。
歌振关山动，舞回星斗旋。
琼楼会英秀，美酒共团圆。
潭水深千尺，春风又一年。

重至威远城

几临欢喜岭，一至一堪惊。
方叹残台缺，又讶颓壁平。
污渣充古道，荒堞复新塍。
遗址年年毁，无端暗噬城？

对弈

壁垒长河界，沙场大点兵。
嘶嘶马腾跃，滚滚炮轰鸣。
羽扇摇中帐，乌云压半城。
将军身百战，绝路几逢生。

香雪兰

微馨发何处？蓓蕾一枝开。
俨若芝兰室，无疑冰雪台。
清幽化君子，淡雅育诗才。
灯下含芳影，缘由岭上梅。

蛇年元月关城学子来访

廿年从未断，元月度心香。
谈笑风生至，联翩意气昂。
关城珍白发，海岛惜群芳。
岁岁花传信，枝枝竞出墙。

接《茶韵》大型诗书画册

精刊诗二百，书画灼其华。
先哲传神韵，时人颂绿芽。
古今香永集，中外味争夸。
欣值今春早，碧萝斟紫砂。

上元夜

银河星雨落，仙女散花时。
百合冲霄汉，绣球抛海湄。
雾淞元夜挂，雪柳好风吹。
世纪初更始，同期月落迟。

波斯猫

双目何奇妙，黄蓝两色挨。
稚顽弓脊背，亲昵入胸怀。
饲尽牵衣急，鱼丰翘尾乖。
腾窜逐球戏，倾座笑声谐。

贺美国潘力生、成应求夫妇九十双寿

翰墨傲千秋，诗联壮斗牛。
文坛共佳话，学海自轻舟。
华夏高才士，潇湘彩凤俦。
飘洋昂比翼，九秩正中流。

未名湖

湖水连天碧，百年仍未名。
岸边舟不系，林外塔犹擎。
学子流云集，诗人踏月行。
天骄堤上柳，风拂久相萦。

秋韵

葡萄满沟紫，苹果映林红。
玉米悬檐下，嘉禾垛院中。
经心逐时尚，把酒佐年丰。
笑看牛闲卧，鸡豚戏草蓬。

海韵

闪闪翻银浪，翩翩起海鸥。
渔帆千点影，雁阵一行秋。
万里关山月，百年风雨楼。
潮生鹰角石，韵协老龙头。

访伯夷叔齐读书处

书声潜入耳，盈袖渐清风。
浣砚泉犹滴，洗心池尚融。
残崖隐遗墨，废址绝芳丛。
遥想夷齐世，境幽林正红。

访李广射虎石

出郭循蹊径，不言桃李稠。
彤弓村草没，白羽石棱收。
一箭书青史，千年觅虎头。
将军遗迹在，今古纵风流。

访迷谷老马识途处

丘壑兵车困，流沙陷马蹄。
茫茫归路失，暗暗暮云低。
怀古时虽远，观今眼尚迷。
识途非老骥，绝漠怎成蹊。

马老堪何用？分槽视若无。
长嘶忆疆场，仰叹向墙隅。
一旦遘迷谷，四蹄端正途。
非怀千里志，怎得步先驱。

再登诗词讲坛

琴声蝉韵伴，谈笑纵风生。
海阔容鱼跃，林深任鸟鸣。
洞开花径现，峰转彩云横。
策马轻车路，关山又一程。

元日感怀

岁末新春入，玉壶元夜深。
青松寒竞翠，修竹晚成林。
时作江南忆，长怀塞北吟。
诗思何不歇，白发更雄心。

东临五十年

半纪依山海，潮来八月期。
新枝成老树，白发改青丝。
历越关山道，几经风雪时。
秋林何烂漫，缘是晚枫迟。

索道

快哉平地起，一线上青天。
潇洒层云外，风流叠嶂前。
横空腾涧壑，出世跨林泉。
几度沿绳索，逍遥绝顶巅。

初会

秀色翩翩近，幽廊漫漫长。
花开两心印，蒂并一园芳。
波映新荷影，风飘淡月裳。
钟情喜初见，再约待西厢。

河北电视台播出长女业绩

谁家燕赵子，桃李满门庭。
丹色煊明月，珠光映吉星。
迟迟文学士，默默校园丁。
汗滴荧屏入，芝兰万里馨。